



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1606. usque ad annum 1610

**Fleury, Claude**

**August. Vind. [u.a.], 1776**

**VD18 90118820**

§. 61. Catholicæ Religionis libertas in Belgio indulta.

---

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

atque Evangelici Præcones feliciter in Sæc. XVII. Persiam irreperunt, maximo plurimorum per eos Christo adjunctorum emolumento. A. C. 1609.

§. LXI.

*Catholicæ Religionis libertas in Belgio indulta.*

Postquam in Belgio arma in spem pacis per inducias deposita quieverant, unice superesse videbatur, ut de Religionis Catholicæ libertate articulus, qui tantopere expetitus fœderis legibus non erat insertus, tandem concluderetur. Pollicebatur Hispaniæ Regi necnon Alberto Archiduci Joanninus Franciæ Regis O-rator, quod complanatis ceteris difficultatibus, firmataque pace Religionis causam vehementer urgere velit. Nec defuit promisso operis constantia; quippe solutis nondum comitiis hic nomine Henrici Franciæ Regis hunc in modum Fœderatos Ordines alloquebatur: „jusus sum nonnisi concluso fœdere de Religionis negotio vobiscum agere, ut „ea, quæ hac in re indulturi estis, libere, ac remota omni coactione stabilita cognoscantur. Rex meus, qui „Catholicam profitetur Religionem, ar-denter petit, ut Catholicis, qui in „vestris morantur Provinciis, eandem „fidei

Contin.  
Thuan. l. 2.  
pag. 256.  
Grotius an-  
nal. l. 18.  
Daniel hist.  
de France  
tom. 10.

Sæc. XVII. „fidei Catholicæ libertatem, quam ipse  
 A. C. 1609. „Gallis vestram Religionem sequentibus  
 „indulget, pariter concedatis. Hoc  
 „petit, misertus fortem tot Catholicorum,  
 „quos pace ac libertatis commodo, velut  
 „tot laborum fructu spoliare, atque e pa-  
 „triæ suæ gremio excludere, inhum-  
 „num foret, postquam cum ceteris tam  
 „diuturni belli calamitates tam strenue  
 „tolerarunt, ac toties pro patriæ suæ  
 „libertate sanguinem suum crebris in  
 „præliis exposuerunt: Haud ignoratis,  
 „quanta mala ac tumultus ex denegata  
 „Religionis libertate progerminare so-  
 „leant: in memoriam revocate Hispa-  
 „norum duritiem, quæ ad excutiendum  
 „eorum jugum vos impulit: intuimini  
 „civium vestrorum oculos lacrimis ma-  
 „nentes, eo quod sicut mutatam domi-  
 „nantium vicem æquo, sic iniquo ferent  
 „animo amittendam Religionis suæ li-  
 „bertatem. Hanc clam desiderant, &  
 „palam per me exorant: nolite eos ad  
 „desperationis extrema incitare; valde  
 „gloriosum erit eorum lacrimis flecti,  
 „periculosum autem violentiæ cedere,  
 „ex quo nil nisi gravissima emergunt  
 „mala, quæ sæpe Deus permittit, ut  
 „testatum faciat, quod Religionis diffi-  
 „dia non bellis, non suppliciis, sed  
 „mutua charitate & Principum benigni-  
 „tate componenda sint, proin exoranda  
 „sit

„sit divina Bonitas, quatenus homi- Sæc. XVII.  
 „num Rectores eo permoveat, ut jun- A. C. 1609.  
 „ctis viribus unacum Universalis fidelium  
 „Patre remedia contra hæc mala a San-  
 „ctis Patribus præscripta quærere fata-  
 „gant. Interea Rex meus edictum pro  
 „Gallis Protestantibus emanatum ex-  
 „acte observari curat, & concordiam  
 „inter eos & Catholicos in iisdem ur-  
 „bibus ac non raro sub iisdem tectis  
 „fovet: unde placantur animi, quos  
 „bellum exasperabat, eorumque sanio-  
 „res nil ardentius exoptant, quam ut  
 „sub eadem fidei societate omnis odii  
 „vel scandali occasio cesset. Demum  
 „adductis pluribus aliis rationibus con-  
 „clufit, quod Rex non quidem Catholi-  
 „cis suam Religionem publice profitendi  
 „libertatem concedi deponat, sed sal-  
 „tem, ut privatim & sine molestia, fi-  
 „dei a tot retro sæculis in hisce Provin-  
 „ciis receptæ exercitiis vacare liceat.  
 „His ponderatis ex Ordinum Deputatis  
 „potissimi legem in Catholicorum favo-  
 „rem absque evidenti Reipublicæ peri-  
 „culo condi posse negabant: moderatio-  
 „res vero indulgentia utendum rati, hanc  
 „gratiam nec Regi Christianissimo, nec  
 „fidelitati Catholicorum, qui unacum  
 „Protestantibus calamitatum focii erant,  
 „denegandam esse pronuntiabant: horum  
 „quoque prævaluit sententia; quippe ur-  
 „genti-

Sæc. XVII. gentibus Franciæ & Hispaniæ Legatis  
 A. C. 1609. Fœderati Ordines, necnon Mauritius  
 Princeps polliciti sunt, ut in illis Bra-  
 bantiæ Urbibus, ut antea, sola Catho-  
 lico-Apostolico-Romana Religio con-  
 servaretur, in ceteris autem omnibus  
 Ordinum locis privatim, præfatæ Re-  
 ligionis usus toleretur, ac permittatur.

## §. LXII.

*Anglorum querelæ adversus Jaco-  
 bum I. Regem.*

*Rapin Thoi-  
 ras hist.  
 d' angl. i. 18.* **H**aud parum displicuit Jacobo I. An-  
 gliæ Regi, quod Hispaniæ Rex ab  
 que Albertus Archidux firmata hac pace  
 Fœderatis Ordinibus liberi ac non de-  
 pendentis Status prærogativam indul-  
 ferint; pessimi enim exempli rem esse  
 arbitrabatur, quod subditorum rebellio  
 contra legitimum suum Regem concita,  
 non modo criminis impunitate, sed  
 & libertatis privilegio donaretur:  
 Augebat in hoc Rege dolorem ipsa An-  
 glicani Regiminis norma, qua Proceri-  
 bus, populisque nimiam auctoritatem  
 non sine supremæ ac Regiæ potestatis  
 præjudicio & discrimine tribui censebat,  
 hinc data omni occasione Parlamentorum,  
 ut vocant, auctoritatem immi-  
 nuisse, suam vero extulisse, a non pau-  
 cis arguebatur: Hujus rei specimen de-  
 disse